



**I**acobus apud Germanos natus, & omni genere literarū educatus fuit. Is cum felici indole esset insignis, bonis artibus operam dedit, & in primis Poeticæ magna diligentia incubuit. Itaq; factum ut præclaram sibi eruditionem compararit, atq; apud doctos passim innotuerit, anno 1510. Scripsit Iacobus Compendium Rhetorices ex Tulliano thesauro deductum. præterea Syntaxim de componenda oratione funebri. Epicedion quoque, de morte Plutonis & reliquorum dæmonum, edidit, atq; carmen de nocte, uino, & muliere composuit. Dialogum quoq; super eminētia quatuor Doctorum Ecclesiæ, Gregorij, Hieronymi, Augustini, &

Ambrosij uersibus sexcentis perfecit, atq; hoc modo ingenij sui documenta posteritati declarauit. Vnde hunc Iacobum ob uarias animi dotes atque raram eruditionem meritò hoc loco inter præclaros Germaniæ uiros recensere placuit. Con. Gefs.